

樊

山

續

集

樊山續集卷十一

恩施樊增祥嘉父

執父集

感事

夕烽斗起照鑾坡塗炭衣冠可奈何十國奪門操鎖鑰五城
無地不干戈天真兩血污金祀夜有飛頭飲玉河收召黃巾
歸宿衛羽林從此健兒多

一作祗今羣
盜羽林多

旅懷

盡室崎嶇繞北邊圖書零落況銀鈿兩重崧嶽肩頭擔六月
冰霜口外天濁酒且從諸弟飲敝裘分與女郎穿回頭說似
張儀婦吾舌猶存莫惘然

庚子五月都門紀事

紅狼青犢自成羣。依託王門謀帝闕。民命纍纍輕似草。神
言往往降於莘。誇張古冶屠龍手。斷送眞州放雁人。不患鯨
吞患魚爛。可憐京闕自煙塵。

彼已兵形兩不知。妖書僞識太無稽。眞成霸上羣兒戲。坐使
崆峒七聖迷。今日蘇門誰扶眼。後來鄆陽恐煞臍。人間健者
甯惟汝。長揖橫刀吾欲西。

阿奴下策火初然。島客乘壙守益堅。白帝向來欺赤帝。蒼天
未死立黃天。梯衝飛舞窺樓上。矢石荒唐滿御前。十國衣
冠同一炬。可無頗牧衛幽燕。

年少驕王對紫宸。眾中銳意戮鯨鯢。掖庭自結十常侍。七
鬢難安一至尊。夜半駕歸仁壽殿。日中火及正陽門。百思不
解州吁意。不戢兵端且自燔。

擎拳豎脚盡神兵礮火弓刀日夜驚欲去徘徊端正樹愛來
吟諷董逃行大言彘伯輕羣子往譏巴顏促五庚吾愛大夫
名五穀屢屢一曲向秦京

三朝 聖后嫺嫺皇豈意流言煽左璫妖識髻花殊白柰聞
秋宮樹厄黃楊欲綿唐祚思靈武爲報秦仇棄督亢黃閣有
人兼將相忠言不入怨天亡府主病起入對極言秦匪妖妄
慈聖曰吾亦不信而吾左右
皆惑之
奈何

都市蕭條儼被兵繁華非復舊神京不虞建業金甌缺更比
澶淵瓦注輕鼙禁月明聞鬼哭鳳城白日斷人行宮奴不念
家山破猶道如今是太平

崇仇棄好復何言十國揚兵日月昏白雁飛來甯有宋黃河
挑動恐亡元好從蜀國謀西幸愁見燕人祭北門天柱地維

三百載不圖蜂蟻毀乾坤

大同

桑乾水繞大同城日落嚴關鼓角驚地迴北通龍口戍時危
西調雁門兵連村赤幘聞風起萬瓦紅燈照夜明愁煞循良
二千石黑河日夜怒溝生

謂李子丹前輩

重有感

燕郊千里草青青銅馬南來慶得朋花項健兒規作帝果頭
勅盜託於僧涑水匪首一桑門一桑門槩弧寶兆衰周亂籌火虛言大楚興
不分明亡三百祀朱家兒尙有傳燈

五月廿五日夜董軍攻德法意美四使館克之

四夷賓旅倚同盟彈雨槍雲苦見侵火烈崑山甯辦玉兵來
隴上慣摸平金虎行白晝人人慄鬼哭青天往往陰摩壘爭

然香象燧望探久斷紙鳶音魚因游釜還思水鳥爲焚巢悔
入林血戰裹創當鬼箭凱歌踞轉鼓洋琴沈淵競試探珠手
入穴眞償得子心妖鳥羅平成底事董昌遺孽到如今

是夕端邸率師攻西什庫不克

洋兵僅三十餘人

夷獠卅六盡乘墉龍武諸軍在下風雨矢拒門誰敢入十樓
卓地不能攻卿眞作賊劉盆子人笑騎豬武懿宗七日偪陽
終不下孱王猶策虎神功

入雁門

雁門山色入雲斜危磴盤紆一駐車躡足百重皆鳥道回頭
千里盡龍沙虬松尙是前朝樹鶯粟新看內地花滿目河山
似唐季赤心何處得朱耶

五月二十六日甘軍掠徐相國及肅親王府

錦帳珊瑚崇愷倖隴軍怯態窮搜大風倒樹摧桐蔭廣陌
吹簫去竹頭羅綺盡供旗纛用金釵枉爲子孫謀祇憐布被
孫宏老大掠平津我欲愁

連衡

海西十國約連衡燕雀堂中了不驚附會天師由米賊憑依
猛將得花卿青絲白馬來爲禍清酒黃龍已敗盟印度淪胥
殷鑒在朝家甯不念蒼生

贈密丹階大令

時宰
徐溝

去年交臂春明路單父風流識面遲丹屐六箴猶李意黃臺
一摘感瓜離小施鄴令投巫手高詠徂徠脫距詩性氣先生

親作傳莫將碑誌託昌黎

時以墓
志見屬

雨後發徐溝贈胡研蓀太守

曉煙如水濕行衣。罨畫林巒見亦稀。桑葉油油分雨色。榴花
醋醋弄晴暉。久騎棧馬還思騁。不聽橋鶻也念歸。等是上林
春後雁。西來仍作一行飛。

太原感事和研蓀

烽火驚心去上都。晉陽依樣畫葫蘆。仙山附會童男女。歧路
流離士大夫。京朝官奔晉者數十家蕭斧盡膏黃口血。背嵬俱是綠林
徒。問君十萬橫磨劍。當得西來鐵騎無。

趙城觀荷

趙城館宇蒸且濕。階下馬通積盈尺。出門欲覓佳樹陰。織鳥
西飛火雲赤。循牆西轉沙路欹。水光搖動青玻璃。田田荷葉
淨如拭。白菡萏花香染衣。兩株高柳結幢蓋。頗聞斷續風蟬
嘶。天與一服青涼傘。奔泉迅赴如渴猊。白沙細草舒芳薦。坐

對明波展秋練誰識黃塵騎馬人滿身風露清無汗去年北
臺數舉觴定昆池上風荷香越溪處子好風格紅衣亭亭立
我旁今年缺雨玉水涸泥中小葉成枯桑陂池坐見獐獺踞
礮火驚飛鴛鴦行我今濯纓汾水曲京闕龍蛇方起陸苦憶
官家納晚涼誰與金盤薦湖目

七月三日宿平陽疊前韻謝研蓀惠月餅

蟾蜍淚滴銀雲濕天上玉弓不盈尺短衣匹馬入平陽破屋
數間日光赤敗壁題墨寒鴉欹眼昏懶單雙玻璃吻燥那辨
溫涼酒汗漬屢更生熟衣具體韓富亦可笑竭來履跛兼聲
嘶市閭賣餅圓如月細餠杆碎千糖覩冰盤不待中秋薦花
餠起浚薄於練至於八月或有凶恐驚常儀浹背汗感君推
食佐我觴殘牙尙帶紅綾香飽頭休憶中書省餅擔重逢歧

路旁金刀罷雪趙城藕戰鼓驚落漁陽桑趙岐餅肆何足戀
翩然掉臂西南行叶與君此去秦川曲鮒龍擬餉平原陸客
來不設寒具油更羅書畫娛君目

平陽旅舍湫隘七月三日携家人過大雲寺納涼晚歸

遇雨有作

寺中有
大佛頭

清風挽不來炎暑推不去城中好蘭若相距可百步此亦避
暑宮携挈挈茶具入門導兩衲盤紆得幽處金浮圖五重佛
顚此焉貯高若百尺幢巨逾十石瓠眼耳大光明華鬘垂寶
璫其前爲廣廊檻漆剝丹素花甃如掌平筵可七重布於茲
敷坐席兒女驩相聚撒地有苔錢拂雲有高樹羅襟受涼風
恍與故人遇譬如旱地苗灑以揚枝露安得依瞿曇鉢單作
常住

孟秋月初吉我顧荆妻言汝兄生壬子吾妹同汝年並以茲
辰降初三月上弦去秋孫抱子弓月復娟娟咄哉一日中弧
悅交新鮮今年邁多難盡室赴秦川我妹居吳淞汝兄亦播
遷不知何郡邑旅食愁無錢可能具杯酒骨肉暫相歡弱姪
從姑來塵沙凋玉顏外姑歿晉陽兩馬舁一棺朝夕奠香楮
泣涕紛漣漣癡憂能傷人且可強自寬曾孫周一歲無由試
晬盤割肉復沽酒持作湯餅筵盡醉僧廬下焉知風鶴喧
僧廬酒未終雲際月初吐玉蟾如美人聯娟門眉嫵半日掩
禪關巾瓶坐忘暑片雲忽如墨飄灑花間雨從從殿瓦鳴掀
掀風葉舞老衲苦見留登樓看禾黍妻孥待油壁吾獨試芒
屨出寺珠始跳稍遠天瓢舉蕉衫沾肌骨絲髻洗塵土方麴
障未宜角巾折已屢回思赤日中汗滴車茵污雖沐十日霖

頭焦未足補歸來已曛黑明燈照壁虎呼奴展卧具一再溪
茸煮垂簷勢未歇疏滴閒更鼓莫復催吾詩吾詩珠貫纒

初五日過侯馬訪電局鄧思亭少尉始知六月十七日

析津失守狀再疊前韻

電學休論乾與濕截綫成寸竿成尺鄧侯祈請徧台司馬上
飛書淚光赤停驂訪君日未歛曲房洞牖明頗瓌呼奴具飯
起迎客暑中顛倒黃蕉衣鹽車困悴一何久道逢良樂長鳴
嘶連城義勇盡豺虎驕王兄弟猶麟猊大沽戰馬不解薦細
鎧明光橫組練海中鐵艦已如雲天上絲綸屢反汗將軍饗
士酌銀觴礮來洞胸骨亦香析津遽落鯨鯢手進據周家卧
榻旁最防敖倉失紅粟漸恐帝里無樓桑憂從中來不可
說且復西行越太行吁嗟乎師壯於直老於曲誰使神州竟

沈陸彼明之亡由流寇彼元之亡由色目

研蓀述平陽餅事戲誌

吳中王笠雲牧絳州以菜豆沙製月餅極美其戚官臨汾典史

傳其法罷官占籍平陽賣餅自給

笠雲花饌稱殘牙細漉金盆菜豆沙供養純狐堪一笑臨汾少尉餅師家

七月七日晚行遇雨規宿樊橋不得漫賦

樊橋咫尺隔微波銀竹斜飛奈晚何淡墨雲遮數行柳熟衣冰透雨重羅中條過雨生青靄七夕看星失絳河莫以泥中傷雅抱銀州一曲壽人歌

四友

許盛王袁吾四友老坡生日悼王孫黃壚痛飲成千古白首同歸更二人顏子命如鸚鵡短元輿血濺牡丹痕瑯琊祭酒

應無恙苦念危城老病身

一日

一日遂亡雙烈士炎霜晝下使人愁
和戎利大翻爲罪博物書成枉見收
龍比相從遊地下犢華遺恨指河流
銀濤白馬之江路腸斷胥潮八月秋

哭廉生十三兄

鄒魯儒家老說經一門忠烈死猶馨
抱琴廊露眞無憾投閣揚雲不復生
殉國賢妻榮煒管從姑少婦亦銀瓶
行人莫認臙脂井萬朵芙蓉擁曼卿

樊山續集卷十二

恩施樊增祥嘉父

西京酬唱集

感懷

避地瓜門盡小休
垂門碧柳亦風流
貧來奴僕隨新主
住久兒童識故侯
開鏡花枝當玉案
捲簾山翠入高樓
邇來惟覺吟情減
幾社何人與唱酬

效唐人西宮怨

月轉宮簾蹙玉波
桐飄金井夜如何
玉階秋怨年年有
不似今年白露多

秋夕書感

南江落葉一輕舟
住處何人識旅愁
藍面恨人傷世亂
白頭

憐我誤身謀含花燭影雙枝玉墜雨簷聲數點秋堪笑一鷗
閒似客菴西出月度鐘樓

樓鐘度月出西菴客似閒鷗一笑堪秋點數聲簷雨墜玉枝
雙影燭花含謀身誤我憐頭白亂世傷人恨面藍愁旅識人
何處住舟輕一葉落江南

知誰瘦減帶圍腰起詠新寒夜燭高悲老杜鵬聞北蜀返仙
丁鶴語東邊啼鷗隴月秋吹笛過雁胡天雪沈刀思夢有人
懷北闕池荒墮葉雨瀟瀟

瀟瀟雨葉墮荒池闕北懷人有夢思刀洗雪天胡雁過笛吹
秋月隴鷗啼遶東語鶴丁仙返蜀北聞鵬杜老悲高燭夜寒
新詠起腰圍帶減瘦誰知

駕幸晉陽恭紀

山翠入秋清 御輦捲旗黃 蓋紫雲連天門北控飛鸞馭雪
海西巡促馬鞭環佩別宮行駐蹕 詔書頒澤草求賢遶城
月印霜蹄駿苑內傳烽起夕煙

煙夕起烽傳內苑駿蹄霜印月城邊賢求草澤頒書詔 蹕
駐行宮別佩環鞭馬促巡西海雪馭鸞飛控北門天連雲紫
蓋黃旗捲輦 御清秋入翠山

贈屠梅君前輩卽送之三原

久聞京輦避桓驄二十年來一笑逢自昔直聲震天下於今
正學盛關中心隨晉絳山朝北道在河汾水向東令德堂深
斟別酒諸生清淚馬前紅

譜成格致息羣紛道藝井包有至文斷自堯來勤著錄莫從
禹下策功勳心如椰子諸能受耳熟松風百不聞豈獨漢廷

旌折檻更看鹿角折朱雲

坐看羣盜起湟池汾雁清秋度隴遲五斗有人奉張魯單車
何地著王尼忍飢飯賴緣詩瘦鹽泣兵廚作酒悲曾見青驄
西幸蜀不圖重際奉天時

著書閉戶此心遐卜宅涇原小寄家周子溪堂繞蓮葉素人
居處訪桃花洞開白鹿延朝爽關度青牛起暮霞箕穎原非
濂洛事豈聞泗水繫匏瓜

秋夕示內

移巢舊燕似臣羈倦馬東華夢醒遲離亂避人逢塞雁病愁
憐汝畫山眉詞人舊怨秋蘭減月榭新涼夜笛吹池照影娥
青髻薄衰容鏡北水楊垂

垂楊水北鏡容衰薄髻青娥影照池吹笛夜涼新榭月減闌

秋怨舊人詞眉山畫汝憐愁病雁塞逢人避亂離遲醒夢華
東馬倦羈臣似燕舊巢移

晉陽五首

晉陽西指玉衣寒跋履眞如蜀道難蟲滿液池傷仆柳馬嘶
宮禁泣幽蘭麻鞋間道奔行在豆粥無人勸御餐猶有前
朝豹房月居庸夜出揭帷看

大同宣府羽書頻郡縣交迎玉輅塵乍進翟褕輝蹕路漸看
豹尾備鉤陳金戈鐵馬風雲慘蓋黃旗日月新不意今年
秋社飯百官齊念老來身

宮車曉度雁門深御宿逶迤白日陰夜雨淋鈴雙眼淚長星
勸酒萬年心蛟蟠一峽愁青玉虎臥重關扼紫金

謂升吉誰甫方伯

識幽燕諸敗將執戈爭擁翠華臨

太原亦是龍興地日角當年此啟都南渡至今卑晉宋中天

眞欲返唐虞

堯舜皆都晉

已頒北闕求言詔盡免西巡所過租好

製浯溪中興頌雪香徘徊體莫悲吁

回首金臺落照餘奉先宮殿近何如太妃兩膳開蟾鎖問

宮中

有何人蘇軾云有戚同主位夷人令照常進膳

留守雙丸走蠟書畿輔百城等

僑置朝官連日有新除行宮夜見傷心月爭怪常儀綠髻

疏

余曩以雞汁淪井茶恣伯師及子培張之以詩頃研蓀

太守復繼以詞計恣師歿已七年子培在淮南亦無

消息不虞一匕箸間復有滄桑之感也因賦長句邀

梅君研蓀晴谷仲綱和之

樊山食料羅芳縟不恤門生誚便腹越芽齊蹠點湯新銀絲

繞七松花熟貧憐公膳隻非雙
雋佐客談清不俗課果剛疏
那得仙雞蘇淨妙方成佛京華旅食十年前
瓶齋設客花含煙捲簾看畫春風入裏手彈棋
細雨天鑒別羹材出新意紅肪綠茗交相契
東岡煮狗笑僧饒南海食壕覺坡膩佳人夜起
警雞鳴祝翁老來諳茶事鼎鑪時兼竹雨啼
堦暗繞松風細霞川遣老真吾師閒邀瘦沈來
賦詩絮羹啜茗互張揅深杯倒盡青玻璃先食
冷淘後餽飢蘇黃貧相吾無譏魚羹粉菊坐習
見珠鰕蠶豆平無奇遠憶建溪致團鳳高吟百
里烹伏雌詩清莽淡共芳潔一日郇庖天下知
邇來十年罷徵逐秋夜西窗重翦燭坐塵野馬
避黃塵小薦家雞烹碧玉老來懷抱重悽其
風味爭如少俊時淡薄黃花聊下酒流連今
雨更填詞回頭草綠橋公墓路遠無因冀雞
絮沈郎踪跡落

淮南八月青霜凋桂樹紀消由來善斂藏黨姬終是無風趣

當年巷北煮茶寮

余庚寅入都寓北半截巷

滿地烽煙不知處滄海橫流

朝市遷閉門聽雨過今年淒涼莫賦山陽笛唱和同尋沙社篇

寄懷座主崑役峯相公

中天日月忽西移大廈猶聞一木支獨長宗盟兼閣事仍分留務總京旗起居

二聖劉琨表感動諸夷子產詞炎午平生託知己白頭愁寄

相公詩

盆桂再榮晚坐花下試茶作

瓦盆四株桂浹月兩見花月閨花亦閨愛茲秋日佳花落復上枝如迴故人車縹葉下夕柯丹粧吐朝華翻疑月中樹無

此金麥芽薄暮倚庭竹幅巾不宜紗洗錯命嬌女賞以明前
茶葉葉江南雨點湯碧無瑕徘徊衣上雪掩冉風中霞圓甌
納香氣丹白紛天葩斜陽在東壁願樹巢歸雅微吟小山作
跡邇心已遐

再疊晉陽韻酬研菴見和

杯酒雙龍誓已寒西來國步益艱難有山尙種周家粟無土
堪培鄭氏蘭衰草黃雲紫御路鹹瓜白粥進堂餐樞府傳
諭所過
州縣多備鹹菜稀飯五臺未了燒香事莫當清涼讚佛看

求賢選將詔書頻祇積絲綸簿上塵兵甲入王俱瓦解文
章兩制總羹陳月明宮掖多聞鬼黍熟園陵孰薦新昨
夜釣天聞廣樂從臣俱是夢中身

晚出居庸路阻深雁門代郡慘秋陰孟婆方便休吹面熒惑

猖狂尙守心事去六州空聚鐵寇來高陽悔藏金百年寂寞
銅鞮道何意重邀鳳蓋臨

朝士盡辭青瑣闥勝兵無復黑雲都一龍東渡終存晉五穀
西行不諫虞列鎮交章追旣始荒年有詔緩秋租長安更比
并門遠燕薊遺黎莫怨吁

年饑穀貴食無餘五柳安能意晏如地下蒼鵝終兆亂海東
黃鵠漫貽書言期無罪多卮寓詩忌傷時託建除涼信關中
最蕭瑟江南朋舊半凋疏

再詠孩兒菊索覲蓀和

一月淵明笑幾回東籬風信五更催呼爲胡子宜澆酒度作
沙彌不姓梅青女降從塵弄後黃香乳是虎供來年年湯餅
重陽會太華峰頭綺席開

笑顰圓於金叵羅衣裝嬌甚綠鸚哥但將月露供調養不畏
風霜有折磨苾苳夫妻雙佩好茱萸兄弟幾人多十花姊妹
甘爲婦門第猶嫌不稱他

玉筍山頭第幾家種成美璧信無瑕得雄卽號王孫草尙主
應偕帝女花梨父曾聞宗百果楚人先已送南瓜

吾楚嘗以
中秋夜送

瓜取宜
男之兆卽將潭水爲佳釀賀客盈門醉語譁

爛斑秋錦製萊衣婉變風前學舞時韓圃迭興雙宰相陶籬
何止五男兒蓮娃嬌面全宜畫棠母嫌名莫入詩太僕寒花
眞得子裁書報與老妻知

兒時神爽已英英露洗風摩易長成松竹歲寒添小友芝蘭
庭砌得學

平聲

生金星入命宜長壽秋水爲神不世情晚桂早

梅先後發中間此子獨崢嶸

李上卷之二
竹馬鳩車晚霽天
楓人荀母競相憐
蟹腸乙去慚公子
雁信紅來更少年
蟋蟀盆邊闕旗鼓
鼃網底戲鞦韆
同爲女兒山中
產晚抱黃鬚覺最賢

依依稚子出柴桑
乍可磨門五尺強
欲借蟹筐爲面具
時沾蝶粉上衣裳
姻盟白石偕三妹
乳母黃家有四娘
乞得金童來膝下
人間可戀是秋光

常得高軒過圃東
垂簷那肯怨秋蓬
奇男鍊骨冰霜裏
隱士知名襍祿中
送酒歡迎衣白吏
倒褰爭笑綠毛翁
錦堂子弟多才俊
晚節纔收第一功

秋夜過彥孫

詩人瘦似竹枝斜
好句題牆護碧紗
飢忍鶴田秋盼雨
影收鸞鏡晚明霞
詞家兩寫箋頭雁
樂部三催笛裏花
遲過月寮

虛掩箔宜斟淺淡越甌茶

茶甌越淡淺斟宜箔掩虛寮月過遲花裏箇催三部樂雁頭
箋寫兩家詞霞明晚鏡驚收影雨盼秋田鶴忍飢紗碧護牆
題句好斜枝竹似瘦人詩

疊韻柬仲綱弟

詩窗玉色一川斜影動簾波月浸紗飢雁憶鄉蘆漫雨瘦螯
宜酒菊爭霞詞箋玉海人傳藁盡境禪牀女散花遲久願君
過晚飯宜相愛處淡湯茶

茶湯淡處愛相宜飯晚過君願久遲花散女牀禪境畫藁傳
人海玉箋詞霞爭菊酒宜螯瘦雨漫蘆鄉憶雁飢紗浸月波
簾動影斜川一色玉窗詩

午橋中丞出關迎 駕旋拜使豫之 命再疊前韻奉

寄

詩中汴水一橋斜曉驛霜風透帽紗飢宦薄分金掌露

扈從諸臣

日有賜金侍臣名耀玉閣霞詞人馬遞飛書檄院女龍游近輦花

遲謁上方西駐蹕宜春小貢御團茶

時以茶點進御

茶團御貢小春宜蹕駐西方上謁遲花輦近游龍女院

傳聞駕

幸玉檄書飛遞馬人詞

各國類有書疏

霞闕玉耀名臣侍露掌金分

薄宦飢紗帽透風霜驛曉斜橋一水汴中詩

繡漪極愛余迴文詩三四疊前韻

詩錦織文迴繡枕字珠眞滿畫屏紗飢人楚菊餐寒雨靜女
秦簫閣晚霞詞和舊題雙管翠髻梳新樣一釵花遲來月色
猩簾暖細蕊秋香送井茶

茶井送香秋蕊細暖簾猩色月來遲花釵一樣新梳髻翠管

雙題舊和詞霞晚閣簫秦女靜雨寒餐菊楚人飢紗屏盡滿
眞珠字枕繡迴文織錦詩

詩箋玉葉幾行斜貼上蠻紅小格紗飢鳳一餐香徑竹斂蛾
雙暈酒邊霞詞填夜雨輕敲玉錦颺秋畦滿種花遲日綺雲
香閣暖宜看細筆畫山茶

茶山畫筆細看宜暖閣香雲綺日遲花種滿畦秋颺錦玉敲
輕雨夜填詞霞邊酒暈雙蛾斂竹徑香餐一鳳飢紗格小紅
蠻上貼斜行幾葉玉箋詩

遣懷

燕游倦後馬歸秦貴甚儒林學道人妍菊淡然類欲老小梅
紅矣奈何春天隨也樂尋瓢笠月上幾樹虛言侍櫛巾圓式
玉壺添炷麝煙紗碧送晚香新

新香晚送碧紗煙。麝炷添釭玉式圓。巾櫛侍言虛上月。笠瓢尋樂也隨天。春何奈矣紅梅小。老欲頽然淡菊妍。人道學林儒甚貴。秦歸馬後倦游燕。

竹延尤愛余迴文詩疊韻爲贈

燕如不築金臺峻。大國秦誇最有人。妍色女同書本善。老年人笑柳衣春。竹延新製翠菲裘天寒薄酒賒頭瓊。夜坐枯棋對角巾。圖題數珠經轉罷。煙籠淡月晚來新。

新來晚月淡。籠煙罷轉經珠數。題圓巾角對棋枯。坐夜瓊頭賒酒薄。寒天春衣柳笑人。年老善本書同女。色妍人有最誇秦。國大峻臺金築不如燕。

遣懷詩領聯亦作妍菊晚香無奈老滿梅寒意有何春
繡漪以爲佳因足成之

燕秦隔斷書空雁柳畔池臺北望人妍菊晚香無奈老滿梅
寒意有何春天於遠道紆鸞錦雨作啼痕漬麝巾圓玉琢槽
檀鳳紫轉喉車子曲翻新

新翻曲子車喉轉紫鳳檀槽琢玉圓巾麝漬痕啼作雨錦鸞
紆道遠於天春何有意寒梅滿老奈無香晚菊妍人望北臺
池畔柳雁空書斷隔秦燕

四疊韻示竹延

燕薊別來西望秦散花知否是天人妍詞宋杏紅情綺古畫
唐梅粉朶春天醉已回難止酒月弦初上怕沾巾圓甌白定
香茸紫翠滴簷花賞雨新

新雨賞花簷滴翠紫茸香定白甌圓巾沾怕上初弦月酒止
難回已醉天春朶粉梅唐畫古綺情紅杏宋詞妍人天是否

知花散秦望西來別蘄燕

夜話有贈

簞粉墮風秋院靜菱荷無影照清池霜欺葉醉不無酒月似
人佳更有詩囊製縮砂香暖胃簞收斜竹玉涼肌長更數盡
香盤篆笑上樓時有夢思
思夢有時樓上笑篆盤香盡數更長肌涼玉竹斜收簞胃暖
香砂縮製蠶詩有更佳人似月酒無不醉葉欺霜池清照影
無荷菱靜院秋風墮粉簞

疊前韻遣興

簞疏夏佩風窗暝掩幔燈明玉水池霜變橘酸微帶酒雨如
花意可無詩囊書上奏休緘口塵柄長攜冷熨肌長恨別時
青色柳淚衫秋有舊京思

思京舊有秋衫淚柳色青時別恨長肌熨冷攏長柄塵口絨
休奏上書囊詩無可意花如雨酒帶微酸橘變霜池水玉明
燈幔掩暝窗風佩夏疏簟

憶北臺

京西勝處山當戶而北亭欄曲徑斜聲驟雨荷香院翹影飄
風絮落棚瓜鶯捎戲蝶繁絲柳鶯看閒魚唼片花清夢午窗
槐蔭綠亭薇過半酒人家

家人酒半過薇亭綠蔭槐窗午夢清花片唼魚閒看鶯柳絲
繁蝶戲捎鶯瓜棚落絮風飄影翹院香荷雨驟聲斜徑曲欄
亭北面戶當山處勝西京

憶歌者崔靈芝

高臺舞袖繞花飛幾串珠歌豔雪霏桃葉百環輕綰髻

毛西河妾

梳百柳枝雙帶秀飄衣嬌鶯借重名兼姓小燕猜量瘦與肥
簫鳳引人仙夢遠紫房芝憶甚時歸

歸時甚憶芝房紫遠夢仙人引鳳簫肥與瘦量猜燕小姓兼
名重借鶯嬌衣飄秀帶雙枝柳髻綰輕環百葉桃霏雪豔歌
珠串幾飛花繞袖舞臺高

再贈竹延

秦鼂共酌小螺杯病酒蘇仙散值纔真意可須詩筆代錦秋
還望報書來人生馬耳飄風聽士有燕然卓筆才塵軟隔花
何日近春城鳳盼曉雲開

開雲曉盼鳳城春近日何花隔軟塵才筆卓然燕有士聽風
飄耳馬生人來書報望還秋錦

李秋錦有尺牘行世

代筆詩須可意真

劉光世嘗命侍兒意真代筆

纔值散仙蘇酒病杯螺小酌共鼂秦

雜興

薇紅盟露香盈袖
荷翠牽風軟結條
霏雪白研茶磴乳
滴珠紅壓酒牀糟
歸當寄信安慈竹
起喚啼妝倩小桃
誰贈碧珊瑚筆架
那無青錦製書弢

弢書製錦青無那
架筆珊瑚碧贈誰
桃小倩妝啼喚起
烏竹慈安信寄當
歸糟牀酒壓紅珠
滴乳磴茶研白雪
霏條結軟風牽翠
荷袖盈香露盟紅
薇

次竹筵遣懷韻

新錄夢華京信遠
念誰花踏軟紅塵
眞傳鶴態梅妻豔
佩結珠雲楚女神
人贈好詩閒臥雨
病緣多酒罷游春
茵如碧草香縈座
畫入春桃訪李因

李今生女史名因工畫花卉

因李訪桃春入畫
座縈香草碧如茵
春游罷酒緣多病
雨臥

閒詩好贈人神女楚雲珠結佩豔妻梅能鶴傳真塵紅軟踏
花誰念遠信京華夢錄新

疊韻示竹延

新月半窗斜映柳好詩評點一無塵真仙寫稿留禪暗用張三

半冷議事異瑞占花示夢神暗用笑人醉也薰香鴨睡客留爭豔

碧螺春茵紋玉皺還深坐笕火香林道宿因

因宿道林香火笕坐深還皺玉紋茵春螺碧豔爭留客睡鴨

香薰也醉入神夢示花占瑞異豐禪留稿寫仙真塵無一點

評詩好柳映斜窗半月新

九日感懷

今年九日罷登高北望修門雁陳進御貢初來香稻米江南貢米

三百早年兼少菊花苗今年無菊猿啼子美縱橫淚鱗信丁沽早

晚潮隨分關中賞秋色兩京宮殿草蕭蕭

用去年北臺九日韻柬仲綱

九日長吟杜甫詩崆峒七聖已先迷玉京烽火諸花盡紫閭
風煙萬木低例有酒人登華頂可無飛將出關西茱萸兄弟
今寥落坐對糕盤未敢題

都下伶人小叫天或言兵解或言在汴感賦一首

叫天歌續崆峒子流落兵間亦可嗟此曲忍忘黃米飯誰家
飄墮白楊花野狐無復隨行在舞馬何時媚正衙南府本
家俱寂寞金梁橋畔泣琵琶

讀松陵集有曉起回文二首詞多未愜固知此事如厓
算棋奕後勝於前也因次其韻

斗簷竹翠浮煙煥曉幌燈紗薄映人清肺渴教花露浥篆心

香學茗煙新城春落月啼烏早院靜來雲引鶴馴晴日綺錢
窗鏤玉賦箋詩寫墨香勻

勻香墨寫詩箋賦玉鏤窗錢綺日晴馴鶴引雲來靜院早烏
啼月落春城新煙茗學香心篆泡露花教渴肺清人映薄紗
燈幌曉煥煙浮翠竹簷平

右和魯望

東園曳筇方竹短蓋霞朝飲一愁無紅簾繡捲催鶯語粉翅
金描補蝶圖風幌曉山眞北苑月窗春景畫西湖中庭小鶻
鳴時起夢裏花醒一鶴孤

孤鶴一醒花裏夢起時鳴鶻小庭中湖西畫景春窗月苑北
眞山曉幌風圖蝶補描金翅粉語鶻催捲繡簾紅無愁一飲
朝霞盡短竹方筇曳圖東

右和戴美

府主將入關竹延有詩亦賦一首

心蟠錦繡衮衣公曉驛霜高詠渚鴻金落川符雙繳上

武衛全權

俱罷蠟封書奏幾留中侵霜晚髣髴詞苦

公時有黃門之戚

覆局殘棋

謝墅空深眷舊臣樞望重駸駸馬首隴雲紅

紅雲隴首馬駸駸重望樞臣舊眷深空壑謝棋殘局覆苦詞

潘髣晚霜侵中留幾奏書封蠟上繳雙符肘落金鴻渚詠高

霜驛曉公衣袞繡錦蟠心

肝疾又作感賦

世亂年饑祇自傷形軀非復舊輕強兒曹漫記呻吟語朋輩

虛傳補養方海內瘡痍縈寤寐老來湯熨費商量跣趺小結

團蒲上惟覺禪家氣味長

用前韻贈笏卿

舊雨經時隔薊雲德星何意照秦分櫟裝剩有琴三尺書篋

拋殘易一斤飯顆無心逢杜甫雍門有淚泣田文奉天幾葉
絲綸簿陸九當時最得君

笏卿見和前韻再疊一首

閒道麻鞋躡隴雲三峰八水望中分梅花與客俱稱丈薺菜
逢人莫問斤漢室無都河洛意唐賢有弔戰場文榨頭新熟
鵝兒酒待煮青梅約使君

三疊韻示笏卿

北望修門鬱戰雲五城何止庸三分似聞海舶移花石忍見
瑤林縱斧斤燕趙之間無頗人牧豕韋而後孰桓文拔時宰
相惟馮老白髮周旋十數君

聞都門消息

上林秋雁忽西翔凝碧池頭孰舉觴市有醉人稱異瑞巢無

完卵亦奇殃犬銜朱郎焚餘骨烏啄黃驄戰後瘡滿目蓬蒿人跡少向來多是管弦場

京師赫赫陷鯨牙十國縱橫萬戶嗟舊宅不歸王謝燕新亭

分守楚梁瓜

諸國各有疆界

蛾眉身世惟青塚貂珥門庭但落花龍

武諸軍誰宿衛孤兒一一委蟲沙

百年喬木委秋風三月銅街火尚紅崇愷珊瑚兵子手米元
書畫冷攤中金華學士羈僧寺玉雪兒郎雜酒傭聞得圓明
雙鶴語庚申庚子再相逢

島人列檄罪諸王玉牒瑤潢絕可傷待取血膏觴福鹿誰將

眼箸謎貪狼伯霜仲雪俱危苦

謂莊邸及陳澄貝勒

宋劭殷辛僭比方

敦邸服中生子卽端邸也

公法每寬親貴議可須函首越重洋

繁華非復鳳城春玉輅於今隔隴秦金雀觚棱虛御仗銅駝

荊棘泣孤臣。朱門白屋多新鬼。卜肆僧寮幾故人。莫問北池舊煙月。雨零鈴夜一沾巾。

次韻和石甫渭南道中見懷

昔爲渭南宰。言訪紫蘭村。荒祠祀白傅。香火餘緇髮。六姑泉上月。照我洗硯痕。邦人安我拙。頗復古處敦。一去庚桑社。至今靴鞆存。園竹太於母。階桐行有孫。客從東方來。西指長樂門。平生志忠孝。豈判陽與尊。茲邑彈丸耳。環球煙塵昏。小雪誦君詩。黯然銷我魂。

再次寶甫華陰道中韻

名士江東獨爾思。西塞華藕與商芝。玉鞭經過楊妃里。金梳飄零武帝祠。明月入懷雙照淚。青天在上一題詩。豹文鬱鬱終軍老。關吏逢迎恐未知。

笏卿和詩語益悲憤四疊韻奉簡

喻吸鯨鯢氣薄雲鳳皇城裏儼瓜分瘵人思起無仙藥大廈
將欹費匠斤幕府徵兵馳羽檄草堂看劍蹙鱗文唾壺擊缺
王家玉鹵莽眞須咎鐵君

石甫登萬壽閣和余丁酉舊作疊韻報之

宣毫五色屬文通來貌冬山慘淡容辭漢銅仙餘淚雨迎
鑾玉女蹙眉峰珠簾藻井煙霄近仙掌蓮花返照濃值得墮
鱸人一笑於今關內有眞龍

十月二日招同詒書炯齋兩學使潤夫副都容皆司業

笏卿比部荒齋小集卽席賦呈五疊前韻

早梅新坼隴頭雲水竹城南得五分
座客歸自杜曲紫鱗一雙花歷
擔青蚨三百酒論斤松篁歲暮皆清友桃李春風待主文遺

事未須說天寶九歌勿復怨湘君

與石甫笏卿論詩六疊前韻

深似江淹淺范雲七分讀可補三分會心不遠公孫舞斲鼻
無傷巧匠斤接續選樓高仲武矜嚴句律沈休文騷壇牛耳
當誰執鳴玉雍容會兩君

七疊韻贈石甫

驅車來看華山雲痛飲新豐酒百分相馬晚逢龍八尺刻舟
早識象千斤君少有神童之目風霜一灑憂時淚河朔新多嘆逝文
園今年來最消渴莫將杯露易文君

八疊韻贈石甫見贈

大人一賦氣凌雲玄素雙流馬首分漢碣郭霽缺有間秦權
斯篆重逾斤壯心尙欲行千里寸舌誰云值半文爲語子房

招力士莫從滄海更求君

九疊韻和石甫感事

迢遙京闕蔽浮雲敗局誰將黑白分將帥
朝廷思李牧人才敵國幾奚斤吳無武子能經武燕有文山不姓文
戲謂寂
寂金臺殘照底九原誰起望諸君

十疊韻贈某提督

敗將西歸黯陣雲流泉嗚咽隴頭分憤王泣下八千卒軋犂
身肥三百斤今日無拳復無勇平生崇武不崇文說書倘遇
敬亭柳待把然臍說與君
某君喜談三國演義

感舊十一疊韻調石甫

豔煞江亭一段雲評花賞雨過春分珠將淚比盈千斛金買
書來動百斤臨別詩箋題十錦
君出都索書冊頁
遠遊茶碾寄雙文

銷魂橋畔重相見合喚梅花作細君

十二疊韻言懷東笏卿

幾時放鶴入青雲今日微星在楚分
煮茗竹間閒釣艇觀棋松下釋樵斤
臨濠始信魚長樂隱霧誰知豹有文
好共申屠巢樹底盛名休慕漢三君

冬窗卽事十三疊韻

曉閣常留一鴈雲夜窗慣見月三分
久虛官米二千石飽餒年豬一百斤
國初吾鄉王尚書幼時有小豬連頭一百斤大鵬展翅三千里之對
多病擬求西母藥愛才還序左思文
天寒百卉無顏色閒倚亭欄玩綠君

十四疊韻示及門諸子

載酒翩然過子雲曹倉邊笥定誰分
長松落落誇千尺雙井時時受一斤
筮易每忝飛伏理讀書須識古今文
竹林不設

山王座試仿延年詠五君

十五疊韻酬石甫論詩並索笏卿和

舉世雕鐫月與雲源流主客未能分
由來琴客多膠柱幾見輪人解運斤
淡比春山纔入畫明如秋水始爲文
若將詩法參兵法吾愛當年馬服君

昨詩有雙井時時受一斤之句朝來石甫詩至併餽龍

井二餅十六疊韻奉謝

數店新開春甕雲十千沽酒許平分
吳船昨煮寒庖菜九百秤羊得一斤
宋人詩平江九百一斤
羊宋平江路今蘇州也最喜井茸如淡友
況兼勺藥是清文梅邊滿盞江南雪
羊酒何須羨黨君

重有感十七疊韻

北際南垂鬱戰雲中間如礪幾家分
御衣幾受穿楊鏃月殿

深愁斫桂斤弱魯挑齊真大誤暴秦詛楚亦深文東華文武
衣冠盡獨以全權屬相君

十八疊韻自嘲

天際秦雲憶楚雲海中萍合復萍分詩人南北須論箇酒量
中平未滿斤衰白那堪當世用纖新不薄小家文平生學術
唯知恥未敢輕方諸葛君

中興以來自方諸葛者甚多

再疊萬壽閣韻柬石甫

賃廡來依舉伯通五陵裘馬自雍容南飛一跨黃州鶴西笑
重登紫閣峰漢柏年深寒黛淺井蓮詩就晚霞濃今生淚眼
能晴否還向吳城問小龍

三四疊韻代寶甫寄內

銜書三鳥未能通依約芳梅似鏡容寂寞秦臺雙玉管淒涼

湘瑟幾青峰月移帶眼緣詩瘦雲撥牀頭覺酒濃說與文君
渾不信試從藥店驗飛龍

洛浦微波有夢通玉煙偎煥繡夫容蛾眉自肖蛾眉月畫扇
新圖畫扇峰潘令鬢絲今夜白定王紅萼小春濃彥先贈婦
多才思未要人間陸士龍

石甫屬題張夢晉山茶梅花卷子卷爲伯熙所贈以石
甫爲夢晉後身也

臥龍逝矣韋郎貴五戒來時玉局仙今有晉陵唐伯虎莫從
畫裏賣青山

君自言尊人
爲六如後身

三絕兼長詩畫書衡山慚紉沈慚粗河豚眞本吾家物全與
圖中粉墨殊

余有夢晉所畫堂幅書畫並極精妙此卷似是
原本然旣爲伯熙所贈則雖米老河狔亦遠勝

宜州兔
褐也

石頭記裏有情癡夢繞紅樓覺後疑井水尋常行處有最消

魂是納蘭詞

君又自方
成容若

堂堂祭酒雙獶玉幾向州門折馬撾贈畫題詩俱眼見不堪

含淚讀梅花

余庚寅大都伯希爲余言贈畫事今年三月詣日光室康生方展卷命筆謂余曰第三句未就

幸足成之余爲補銅官雪三字書於卷端今展此圖失聲一哭蓋康生悼伯熙余又兼悼伯熙康生也

附廉生詩

雙屐重尋鄧尉苔前生綺夢記張崔獨憐一卷銅官雪

曾自王孫秘篋來

十九疊韻答石甫

天末時時仁碧雪煮茶香裏夜初分礪冰作粥猶堪斧嶺竹

如柴漸可斤婉轉濤箋書喜字蕤迷蕙錦寄迴文東風亦恐

芙蓉怨莫效虞山納柳君

來詩有金莖能
否易文君之句

二十疊韻言懷東笏卿石甫

早年詞筆繼微雲江錦而今剩幾分
玉女瘦來山似削優師巧得宋之斤
齒卮瑣瑣無長物屏几斐斐綴小文
猶有六朝風格在可應書記老任君

送晴谷同年南歸

挂冠投版思依依畏壘庚桑忍竟違
一物不爲羊續取諸生欲從馬融歸
九嶷山色低愁黛六馬陵前送落暉
百萬哀鴻集中澤使君清淚濕行衣

罷坐琴堂早晚衙常參班裏有仙家
眉山長假因葦菜彭澤卑官換菊花
矮燭秋窗吟夜雨幅巾歸路訪棲霞
此行一飲中泠水卽是人間自在茶

先後關中角政聲文章韓柳復齊名
裴碑已值三千絹趙壁

猶當十五城大府亦呼前進士新科多是小門生杜陵一老
瞻南斗渭北江東無限情

春水生時始戒塗藍田別業暫閒居紅梨賦就多新槩黃蘗
馱歸有報書海上鯨波今若此山中鶴柴近何如南徐北庾
遙相望莫遣星郵信息疏

上定興夫子

尚書曳履躡星辰獨荷宣仁手詔溫綸閣中間金鼎重
帝車前面玉衡尊烏黃並入岐農藥青綠爭歸薛卜門往事
靖康今未遠可無伯紀拄乾坤

詔書哀痛擬興元當筆親臣勝陸宣天爲中興生李晟帝
從行在擢崔圓動搖邨鄜三朝鼎補救媧皇五色天聞道鯨
鯢俱就歟亟通書幣定幽燕

朝廷肝食望燕雲周召同心陝不分

兼謂長白相公

西帥舊持金虎

節

公撫陝者再

北援新募水犀軍磬筌諸叶房兼杜薪膽艱難范

與文勾踐畏天吳且沼好駟輦弼建殊勳

廿年門館荷恩私慚愧麻鞋杜拾遺三賦開元曾進奉七歌
同谷更流離蛾眉晚畫春將老猿臂閒居力已衰長記唐宗
西幸日最堪憐是望雲離

二十一疊韻卽事簡笏卿

天上月團牀畔雲山齋幽事可平分茶矜水遞三千里鱸謝
蒸胡五百斤瀟灑侯應署貞幹支離叟亦號堅文今宵竹柏
中庭影記否承天我共君

二十二疊韻簡石甫彥孫

酒龍詩虎氣如雲每聽宣南玉漏分定子霞邊無算爵婉兒

秤上幾何斤羣書散佚晁公武一樹婆娑殷仲文老去未離
弦上箭生涯分付管城君

戲咏耳衣同研孫作

非關宰相要紗籠凍耳真如酒面紅障處根塵知己淨卻來
消息始能通依稀仙樂聞天上籠絡寒人入殼中雪後山妻
尋故物去年燈下舊裁縫

眼紗鬢帛有同情行住鴛鴦總合并著處垂肩分雨向縫時
纖手用雙成頗疑團月從中破不畏尖風向後生潘髻廝磨
真到老白頭常得締香盟

錐處囊中鏡在匣客來都似隔幃談雲遮漫達虞聰四月偃
剛留禹漏三豈爲隄防龍一割應憐埋沒馬雙尖黃金搭膝
紗封臂韻事從教一例添

官身早晚慎風霜不獨聰明善斂藏貴甚鼎鎔韜錦綺賤非
木石要籠筐木耳縫裳女笑長逾寸不長寸莖云衣叵信兒應大倍
常昨夜酒酣雙耳熱佳人拾起繡裙旁

五疊韻和彥孫

吾愛西江九派通詩中劍俠蔣清容君言北苑諸山好畫裏
神仙黃一峰禪榻茶煙如水淡小園松雪比花濃評詩讀畫
消長夜待看春雷起蟄龍

石甫浴於華清適有所遇六疊韻調之

楊柳垂門無路通駿驕冠底識丰容眼波灼灼明秋水眉語
依依斂翠峰大令歌頭桃葉換六郎嬌面藕花濃華清浴罷
歸來晚未可輕騎白耳龍

賦得暖笄十六韻

商量寒事一番新，小雪纔過掃榻頻。
入夜烏薪溫到曉，禦冬鵝鴈美於春。
帳收雲錦休垂地，壁斲煙窗恐惱鄰。
火始中心周四角，熱先半體竟全身。
擁裘誤認當爐女，解屨爭爲入幕賓。
書愛日抄得程史，床上一日程履貪夜繡妥針神。
薰香翠被眞如蛹，勿藥柔黃亦不龜。
那有紅兒嫌冷落，除非青女怕橫陳。
房中虎子心知暖，衾尾狸奴意覺親。
寬似玉田蒸紫霧，平如金斗熨文茵。
聽聲遙識寒蟲喜，展足欣教屈蠅伸。
臥有熱鑿翻餅意，坐如香洞炙花人。
鑪中嬰姪資調養，戶外風霜正苦辛。
炙手盡成煬帝客，焦頭誰是徙薪臣。
象牀別設南人避，馬勃深譏北客噴。
何限沙蟲氣澤雁，亟推裘廈庇斯民。

再咏耳衣

肩上纍垂髻底磨，耳神安樂有行窩。
寒分范叔裘，幾幾耳老奈。

王公賸賸何欲聽狐冰徒自惑縱廢貂錦也無多閉門祇覺
茶聲好私語沙中一任他

二十三疊韻調石甫

咫尺湯泉落彩雲貴如賸畔手輕分萱芳儘作延年藥

昔人秦宮

詩自緣身作延年藥言人不御也

閩籍誰非伐性斤路隔蓬山惟有夢情如

花水自生文蕭郎省識門如海講憤何勞募董君

憶都門舊游七疊峰字韻

風懷左右宛相通塘水無因照玉容日下娉婷真有市海中
縹緲是何峰花稱十友清兼麗詩似三姨淡勝濃今日五陵
車馬客忍誇如水復如龍

八疊韻和石甫憶內之作

湘流不與渭源通想像春人有病容馬上微歆孤信帽雁飛

難到九疑峰
星前粲者情何極
月下方諸淚較濃
不得爲雲相
上下枉誇夫壻是乘龍

九疊韻箴實甫

漢苑黃頭記
鄧通薰香傅粉若爲容
秦宮自倚花間活
楚峽別開雲外峰
郭芍藥詩原幻妄
鄭櫻桃色枉纖濃
葉公免胄分明看
應悔平生好假龍

二十四疊韻酬彥孫並東石甫

詞場落落幾淵雲
品藻眞須九等分
鵬負層霄輕萬里
蟻馱粒米亦千斤
無多幼婦題碑手
何限癡兒覆瓿文
片石韓陵獨誰語
閉門風雪一思君

二十五疊韻遣閒

亦如野鶴亦閒雲
節候都忘至與分
兒習影鈔硃蓋墨
婦通

籌算兩求斤開閑居士猶思趙笑笑先生可姓文摩詰晚年
貧學道清朝嚴事玉晨君

二十六疊韻自題齋壁

盡日花籠裊梵雲茶仙詩佛可能分皋盧緘印剛三道舍利
垂珠過一斤

見東坡資福寺舍利塔銘

古錦自謂春草帖泥金閒寫貝多

文朱家兄弟吾兼愛竹石依稀似兩君

齋前竹石可玩

十疊韻和石甫送別之作

細馬威遲繡嶺通青門送別想愁容餘桃已歷三千歲薦枕
虛言十二峰後夜窗紗難得亮昨來燭淚不勝濃也知金鳳
遙相待何物延鈞算一龍

原詩有羨煞歸郎臥九龍之句

湯婆戲咏

錫奴體態近肥癡贈與寒人暖足宜鸚鵡能無踢翻慮鴛鴦

李長吉詩集卷之二
三
恰少並頭時重輕非鼎從人間冷暖捫心只自知爲語紅闌
莫相妒署爲房老侍幃帷

夢穩梨花與子同夜寒休怨五更風暖分猶雪香衾畔密置
鳩盤布袋中腹大畏人嘲李姐足加於汝效嚴公老身未患
綳孩侮合嫁人間不倒翁

空房冷落竹奴青冬夏參差避尹邢暖到衾渦身似火老無
簧舌口如瓶媒人到角同圓相博士披香見典型省識湯泉
非禍水溫柔鄉裏兩忘形

夏南三少耻爲鄰老婢針娘最見親端重定無兒女態溫和
不失婦人仁梅花身世消寒未葵蠶心腸衛足頻不忘玉堂
春夢事阿婆元是熱中人

冰花

輕似雲華淡似霜也無根蒂也無香金蓮頃刻神仙幻雪絮
依稀姊妹行細細纈紋縈水面明明鬢髮助梅妝玉壺修合
清涼散應是無心媚太陽

冰箸

鴛鴦瓦上動流澌鏤象懸晶此最奇何止一籌金殿借亦如
雙淚玉人垂若教餐雪應需汝待得聞雷早失伊莫訝宰夫
忘設匕冰簷摘取一枝枝

冰泉

錯疑竹外響敲鈴山意蒼寒鶴夢醒礧路金沙松謖謖天風
環佩水泠泠性寒玉茗和薑點夜靜瑤琴帶月聽長憶西湖
深雪後玻璃凍合冷泉亭

冰核

桃杏有仁椰有漿粉調脂煤倩廚娘腹中珠孕蚌胎碧壺裏
心如雞子黃食橘比甜休吐滓嚼梅同鵲但無香宣南食譜
從頭記炒栗魚羹共斷腸

四題以冰核爲最難再賦四首索諸君和

熱油鎔裏試翻身絳雪丹成粒粒新圓似白蓮中有荷小於
青杏乍生仁調羹金鼎心如木點雪紅醃技亦神髣髴前生
是鰕女角衫一箇水晶人

當筵七箸滑琉璃拾得瓊瑤慰渴飢美膳炊珠來護世方言
慘玉亦高麗凡物以凝爲去入油蓮生火裏知無礙蠶在羹
中信可吹蘇軾先生口嚼紅霞遠山燈是他涼到瓠犀時

冬來食料幾回添碎杵寒瓊費玉纖外有芡衣一重裏中如
棗子兩頭尖揭蓋凝合休嫌冷吳豉徘徊未下鹽比似蓮心

殊不苦莫同種雪門清嚴

消寒花底具行廚笑問甜冰爲甚酥煮雪亦如蠶在繭綃光
何異蚌含珠三冬裹手拈瓊匕一世將心託玉壺合與雪梅
同臘漱道人今尙熱中無

咏竹火籠

冬日安能無此君甕甕五木儘溫存鳳條青似蒲編席鶴皃
紅於花在盆暖到窅娘新月樣炙乾湘女舊啼痕夜寒斜倚
屏風坐抵得香衾幾夕恩

暑寒惟汝是功臣爲扇爲鑪兩見親莫以炎涼測君子別饒
恩愛學夫人玉肌融雪時時倚翠眼圈花箇箇勻鎖骨嫵媚
恰堅韌等閒載得鄰侯身

價等南山買翠籬玲瓏心眼便提攜冬烘戲效兒騎馬春暖

留供婦豢雞坐定好論箍桶易社中誰擬畫鱸題

竹篴圖展見前輩題

詠
晚來欲雪還留客拼學山公醉似泥

小梅花下畫簾陰紙閣溫香伴夜吟送暖定偕琴爪玉辟寒
深貯麥麩金欲烹雀舌須文火偶刺柔荑誤繡針瓶有水仙
南燭子與君同抱歲寒心

生日作

居士壺中別有天早歸三輔避烽煙髭髥髭髮漆無霜染兒女
青紅比月圓下杜桑麻虛左契東園芝草補衰年筆床茶竈
梅花下小小茅齋卽釣船

及門諸子見和前韻賦答一首

天寶面還又奉天此生一再見狼煙漫希衰白扶靈壽試數
英雄煮臠圓觥裏書聲沈騁士花時歌曲李龜年蜜梅一樹

垂垂發好與嘉賓送酒船

疊韻酬石甫

往復微之和樂天
瓶花塵拂伴
鑪煙修詞欲過壑
辛妙用智
當如棋子圖
壽酒一斟長至日
是日命書重算小行年同時
枚馬知何似上水船
逢下水船

題廬山詩錄三疊韻柬石甫

驚人謝句問青天
咫尺香鑪約紫煙
不幸滄浪比梅文
無聊
蒙叟挾松圓
山無位置徐疑處
僧想逢迎白傅年
朗詠廬山
高一曲從君擬泛九江船
蘇子美嘗曰平生不幸作詩被人
薄而廬山標榜特甚亦猶空
谷之中見似人音而喜耳

評石甫廬山詩四疊前韻

琴志樓開小洞天
奚囊深貯九江煙
其人仙袂飄飄舉此集

金鈴箇箇圓裝束儒衣間僧帽頽頽鶴壽與松年徑攜彩筆
歸湘浦莫趁青蓮別內船

評陳公子廬山詩五疊前韻

珠玉噲吟下九天西江社裏染香煙氣辛漸覺生薑老骨峭
肯規方竹圓生硬未逢張八面神仙最小葛三年君家老鳳
曾相識今日虛橫野渡船

豐橋

豐水迴看瀟水遙一般垂柳拂虹腰東西各自銷魂處祇在
青紅線雨條

夜宿檀花館示仲綱弟

矮窗脂燭夜蕭摻對憶先朝老翰林桃李關中說夫子檀花
簾底見觀音觀音一名觀音傳經早竭時文力養目須知靜坐心一

片咸陽舊時月茶杯端爲七家斟

石甫惠木瓜石榴

了無玷佩爲報亦乏瑤環繫枝香在宮黃染處情深色子紅時

苦蒂三秋已脫濃花五月纔過併入粉瓷疊子一般風味甜和

上府主

身佐炮鍋補漏天臥龍腹食極憂煎丹心日月能昭鑒赤手乾坤費轉旋魏國沈吟憎怪鬼鄴侯輔導是神仙畫灰回憶鱸中字北望金臺一點然